

Broj: 03-02-623/2017
Sarajevo, 24.10.2017. godine

**PARLAMENT FEDERACIJE
BOSNE I HERCEGOVINE**

- Predstavnički / Zastupnički dom -
gosp. Edin Mušić, predsjedavajući

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 25-10-2017			
01-02-632/16			

PARLAMENT FEDERACIJE BOSNE I HERCEGOVINE
DOM NARODA
SARAJEVO

Printljeno: 25-10-2017			
02-02-632/16			

Poštovani,

U skladu sa članom IV.B.3.7.c) (III) Ustava Federacije BiH, a u vezi sa članom 190. stav (2) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM), koje su podnijeli članovi Komisije za ispitivanje zakonitosti plasmana kredita u švicarskim francima u Predstavničkom domu Parlamenta Federacije BiH, V. broj: 1399/2017, koje je Vlada Federacije Bosne i Hercegovine utvrdila na 123. sjednici, održanoj 19.10.2017. godine i Zaključak, V. broj: 1400/2017 od 19.10.2017. godine.**

S poštovanjem,



PREMIJER

Fadil Novalić

Prilog: kao u tekstu i
Mišljenje, V. broj: 823/2017 od 15.6.2017. godine

**Cc: Federalno ministarstvo finansija-
Federalno ministarstvo financija
gđa Jelka Milićević, ministar**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u vezi sa članom 190. stav (2) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08), nakon razmatranja amandmana na Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM), koje su podnijeli članovi Komisije za ispitivanje zakonitosti plasmana kredita u švicarskim francima u Predstavničkom domu Parlamenta Federacije BiH, Vlada Federacije Bosne i Hercegovine je, na 123. sjednici, održanoj 19.10.2017. godine, utvrdila sljedeće:

IZJAŠNJENJE

o amandmanima na Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM), koje su podnijeli članovi Komisije za ispitivanje zakonitosti plasmana kredita u švicarskim francima u Predstavničkom domu Parlamenta Federacije BiH

AMANDMAN I

Član 3. mijenja se:

Briše se u članu 3. stav 5. i 6.

U članu 3. stav 7. se stavlja pod stav 5. i stav 8. se stavlja pod stav 6.

U članu 3. u novom stavu 6. (usvojenim Nacrtom zakona stav 8.) briše se tekst i novi glasi:

„Krediti svih korisnika kredita u BiH sa CHF klauzulom odobrenih i izdatih od banaka sa poslovnicaма i sjedištem u Federaciji BiH.“

AMANDMAN II

U članu 4. briše se stav 1. i novi stav 1. glasi:

Davalac kredita je banka, mikrokreditna organizacija, leasing društvo ili svako drugo pravno lice koje je zaključilo kredit s valutnom klauzulom CHF s korisnikom kredita.

Davatelj kredita je i ona pravna ili fizička osoba na koju je tražbina prema dužniku prenesena nekim pravnim poslom na druga pravna ili fizička lica.

U članu 4. briše se stav 5.

IZJAŠNJENJE

Amandmani se ne prihvataju

Obrazloženje

Prihvatanjem amandmana bi se doveli u neravnotežan položaj dužnici (obveznici vraćanja kredita) koji su zaključili ugovor sa bankom o reprogramu u odnosu na dužnike na koje bi se odnosili ovi amandmani i koji bi mogli ostvariti određenu finansijsku korist, iako su obaveze, i kod jednih i kod drugih, nastale po istom pravnom osnovu.

V. broj: 1399 /2017

19.10.2017. godine

Sarajevo

PREMIJER

Fadil Novalić

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), prilikom utvrđivanja Izjašnjenja o amandmana na Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM), koje su podnijeli članovi Komisije za ispitivanje zakonitosti plasmana kredita u švicarskim francima u Predstavničkom domu Parlamenta Federacije BiH, Vlada Federacije Bosne i Hercegovine na 123. sjednici održanoj 19.10.2017. godine, donosi

ZAKLJUČAK

1. Vlada Federacije Bosne i Hercegovine ostaje pri opredjeljenju datim Mišljenjem o Prijedlogu zakona o konverziji kredita sa valutnom klauzulom u švicarskim francima (CHF) u konvertibilne marke (KM), koji su podnijeli poslanici u Predstavničkom domu Parlamenta Federacije BiH - članovi Komisije za ispitivanje zakonitosti plasmana kredita u švicarskim francima: Mirza Ganić, Sanel Razić, Radoslav Luburić, Vjekoslav Bakula, Dženan Đonlagić, Hasan Muratović i Azra Hadžiahmetović, V. broj: 823/2017 od 15.6.2017. godine.
2. Ovaj zaključak stupa na snagu danom donošenja.

V. broj: 1400/2017
19.10.2017. godine
Sarajevo



PREMIJER

Fadil Novalić

Broj: 03-02-623/2017
Sarajevo, 16.06.2017. godine

**PARLAMENT FEDERACIJE
BOSNE I HERCEGOVINE**

- **Predstavnički / Zastupnički dom -
gosp. Edin Mušić, predsjedavajući**
- **Dom naroda-
gđa Lidija Bradara, predsjedavajuća**

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 165 i 179. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07 i 2/08) i čl. 157. i 172. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o konverziji kredita sa valutnom klauzulom u švicarskim francima (CHF) u konvertibilne marke (KM), koji su podnijeli poslanici u Predstavničkom domu Parlamenta Federacije BiH - članovi Komisije za ispitivanje zakonitosti plasmana kredita u švicarskim francima: Mirza Ganlić, Sanel Razić, Radoslav Luburić, Vjekoslav Bakula, Dženan Đonlagić, Hasan Muratović i Azra Hadžiahmetović, a koje je Vlada Federacije Bosne i Hercegovine utvrdila na 106. sjednici, održanoj 15.06.2017. godine.**

S poštovanjem,

PREMIJER

Fadil Novalić

Prilog: kao u tekstu

**Cc: Federalno ministarstvo finansija-
Federalno ministarstvo financija
gđa Jelka Milićević, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa odredbama čl. 165 i 179. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i čl. 157. i 172. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja Prijedloga zakona o konverziji kredita sa valutnom klauzulom u švicarskim francima (CHF) u konvertibilne marke (KM), koji su podnijeli poslanici u Predstavničkom domu Parlamenta Federacije BiH - članovi Komisije za ispitivanje zakonitosti plasmana kredita u švicarskim francima: Mirza Ganić, Sanel Razić, Radoslav Luburić, Vjekoslav Bakula, Dženan Đonlagić, Hasan Muratović i Azra Hadžiahmetović, Vlada Federacije Bosne i Hercegovine je, na 106. sjednici, održanoj 15.06.2017. godine, utvrdila sljedeće

MIŠLJENJE

Ne prihvata se Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM), koji su podnijeli poslanici u Predstavničkom domu Parlamenta Federacije BiH - članovi Komisije za ispitivanje zakonitosti plasmana kredita u švicarskim francima.

OBRAZLOŽENJE

1. Primjena predloženih zakonskih rješenja imala bi za posljedicu stvaranje pravne nesigurnosti u zemlji zbog retroaktivnih elemenata u Zakonu.
2. Predloženim rješenjem dovela bi se u pitanje ravnopravnost korisnika kredita sa valutnom klauzulom u EUR-ima imajući u vidu da su u praksi ovi krediti imali čak i dvostruko veće kamatne stope od kredita odobrenih sa valutnom klauzulom CHF.
3. Primjenom Zakona federalni proračun bi se izložio riziku i mogućem deficitu u slučaju osporavanja banke zbog predloženih zakonskih rješenja i traženja nadoknade štete.
4. Postoji rizik od ugrožavanja finansijske stabilnosti i poslovanja banke što posljedično može dovesti u pitanje sigurnost njenih deponentata i drugih povjerilaca banke.
5. Mišljenja smo da rješavanje navedene problematike treba zasnivati na sljedećim postavkama:
 - dobrovoljnim rješavanjem navedene problematike na relaciji banka - komitent, npr. konverzija postojećih kredita u valutnoj klauzuli CHF u kredite sa valutnom klauzulom u EUR ili KM, a po uvjetima za ovu vrstu kredita;
 - da predmetom dobrovoljnog rješavanja trebaju biti komitenti (isključivo fizičke osobe) kojima odobreni iznosi kredita ne prelaze 150.000 KM u skladu sa Zakonom o zaštiti korisnika finansijskih usluga odnosno fizičke osobe koje su koristile kredite za rješavanje svog stambenog kredita;

- rješavanje problema bi trebalo da se odnosi samo na postojeće kreditne partije fizičkih osoba, a ne kako je to predloženo ovim Zakonom na osobe koje su na neki način riješili ovo pitanje i na one koji su navedene kredite koristili u poslovne svrhe;
- ponuđena rješenja bi trebala da se baziraju i na pružanju olakšica komitentima u smislu reprograma duga i otpisa dijela kamate i sl.

V. broj: 823/2017
15.06.2017. godine
Sarajevo

P R E M I J E R

Fadil Novalić